

4
coelestibus, de natura rerū subtiliter ac uerè disputata sunt,
ueritati Christianæ maximè astipulantur. Merebatur enim
profectò tam egregia indagandæ ueritatis intentio, opera
illa tam acris, adeò celebre studium, sudoris sui fructu non
usquequaque destitui, deo id permittente ut illorum quoq;
testimonio fides uera firmamentum ac robur acciperet.
Multa in his & dicta grauiter & facta constanter inue-
nias, ut non modo ex illorum libris fidem inuiolabilis ue-
ritas capiat, uerum exemplis quoque religioni nostræ in-
citantum uirtutis accedat. Quàm scèdum enim, quan-
quam plenum dedecoris est, si Christianum hominem, &
de deo suo pendentem, & cui æternæ uitæ spes certa sit,
uirtuti & continentie dare operam pigeat, cum gentiles
uiros, & à ueri cultu dei ac religione longe alienos pro-
bitati, modestie, frugalitati, cæterisq; id genus animi hu-
mani ornamentis impensius studuisse comperit: pleraq; ex-
empla huiusce pene dixerim euangelicæ perfectioni pro-
xima sunt, ut pudendum uehementer & erubescendum sit,
si id minus exhibeat Christi quàm mundi philosophus,
plusq; in gentili pectore possit amor gloriæ inanis, quàm
in animo Christiano religiose pietatis affectus. His atque
huiusmodi rationibus facillè mihi persuasum est, ut hoc tra-
ducendi munus non modo ut inutile non aspernarer, seu ut
noxium fugerem sed contrà penitus, ut commodum ac ne-
cessariū constanter aggrederer. Nempe si quem forte plus
æquo eiusce hominum admiratio rapiat, earumq; gesta no-
stratis philosophiæ præferre seu conferre & exemplis ue-
lit id quod solum ferme timemus, is leuiter admonendus
erit, solidam potius uirtutem, quàm adumbratam uirtutis
imaginem admiretur, & ei ipsi quos stupet quàm misera-
bili interdum lapsu corruerint ex ipsa lectione docebi-
bitur.